

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona" broj 7/10), na prijedlog Ministarstva za boračka pitanja, Vlada Zeničko-dobojskog kantona, na 120. sjednici, održanoj 04.12.2017.godine, donosi

## ZAKLJUČAK

### I.

Prihvata se Mišljenje Ministarstva za boračka pitanja Zeničko-dobojskog kantona broj: 13/02-34-13360-3/17 od 28.11.2017.godine u vezi prijedloga Općinskog vijeća Visoko i Stručne službe Općinskog vijeća Zavidovići za Program rada Skupštine Zeničko-dobojskog kantona za 2018.godinu, dostavljenim u prilogu dopisa Stručne službe Skupštine Kantona broj 01-34-13360-2-3/17 od 15.11.2017.godine.

### II.

Zaključak sa Mišljenjem iz tačke I. ovog zaključka dostavlja se Stručnoj službi Skupštine Zeničko-dobojskog kantona u daljnju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/17.  
Datum, 05.12.2017. godine  
Z e n i c a

**PREMIJER**

*Miralem Galijašević*

DOSTAVLJENO:

1x Stručna služba Skupštine Kantona,  
1x Ministarstvo za boračka pitanja,  
1x a/a.



Broj: 13/02-34-13360-3/17  
Zenica, 28.11.2017.godine

**STRUČNA SLUŽBA VLADE**  
- n/r Sekretara

Predmet: **Prijedlozi OO Visoko i SS OV Zavidovići za Program rada Skupštine za 2018.g. -mišljenje, dostavlja se-**

Dopisom Stručne službe Vlade Kantona, br. 02-1-34-13360-2-4/17 od 20.11.2017.g. od Ministarstva za boračka pitanja zatraženo je izjašnjenje po prijedlozima Općinskog vijeća Visoko i Stručne službe Općinskog vijeća Zavidovići za Program rada Skupštine Kantona za 2018.godinu, dostavljenim u prilogu dopisa Stručne službe Skupštine Kantona broj 01-34-13360-2-3/17 od 15.11.2017.godine.

Uvidom u dotavljene prijedloge može se konstatovati da se na pitanja iz nadležnosti Ministarstva odnosi jedino akt Udruženja branilaca Općine Zavidovići 1992-1995, br. 98/17 od 27.10.2017.g., u kom isto općinsko udruženje predlaže izmjene odredbi podzakonskih akata donesenih na osnovu Zakona o dopunskim pravima branilaca i članova njihovih porodica, u vezi stambenog zbrinjavanja, vanredne novčane pomoći, naknade troškova dženaze/sahrane, prednosti u školovanju i prednosti u zapošljavanju branilaca i članova njihovih porodica i to iznesenih na uopćen način, bez navođenja naziva akata i članova čije se izmjene i dopune predlažu.

Nakon razmatranja istog dopisa Ministarstvo je konstatovalo da je većina ovih prijedloga već razmatrana u periodu donošenja Zakona o dopunskim pravima branilaca i članova njihovih porodica, kao i prilikom pribavljanja mišljenja kantonalnih branilačkih udruženja u postupku predlaganja Vladi Kantona podzakonskih akata, te da su pojedini prijedlozi već obuhvaćeni važećim podzakonskim aktima (dodjela sredstava za zapošljavanje i samozapošljavanje). Istovremeno smo mišljenja da u periodu očekivanja donošenja novih ili izmjena važećih federalnih zakona o pravima pripadnika branilačke populacije, nakon čega slijedi usaglašavanje sa istim zakona o dopunskim pravima u kantonima Federacije BiH, s aspekta praktičnosti nema opravdanja za pokretanje bilo kakvih postupaka izmjena ili dopuna važećeg Zakona i podzakonskih akata, kao i da općinska udruženja koja su u sastavu saveza kao kantonalnih udruženja, trebaju inicijative za izmjene kantonalnih propisa iz oblasti branilačko-invalidske zaštite iznositi putem istih saveza i u kordinaciji sa ostalim općinskim udruženjima u sastavu tog saveza.

S poštovanjem

**MINISTAR**  
*Fahrudin Čolaković*

